
Nu is dat Seggword eerst recht wahr

IN D' LUUR

Karin Böhmer

redaktion@on-online.de



Langer as'n Viddelstünn dürt'n Schofftied nich wesen, anners musst du en Oostfrees eerst weer neei anlehren. Disse Seggwoord is eerst recht wahr, wenn't um de Corona-Paus geiht. De een of anner kummt d'r rein dörnanner bi un weet nich mehr, waar rechts of links sitt. Een Mann vertellde, dat he nu weer na sien Vereen geiht, waar he siet Johren „n paar-maal in d' Week hengung. Man tolesd truffen se sük blot noch an d' Computer. Un tomaal luukt he an de Döör, de na binnen opengeiht. Oder de Lüü, de nich mehr „Gesundheit“ ropen, wenn een pruusten mutt, man „Du hest doch woll nix?“ fragen. Oder as ik, de bi en ollen Tatort tomaal denkt „Jasses, de Schimanski hett nich maal'n Maske vör't Nöös.“